



Sjálfsmatsskýrsla 2020

# Sandgerðisskóli

Hólmfríður Árnadóttir

---



# 1 Inngangur

---

Sandgerðisskóli hefur starfað við Skólastræti frá árinu 1938 eða í 82 ár. 276 nemendur (vor 2020) stunduðu að jafnaði nám við skólann og eru 62 starfsmenn starfandi við skólann, ýmist í fullu starfi, hlutastarfi eða við stundakennslu. 38 kennarar og einn þroskaþjálfari eru starfandi við skólann þ.á.m. eru stjórnendur og náms- og starfsráðgjafi. 19 aðrir starfsmenn eru starfandi við skólann, ritari, umsjónarmaður, verkefnisstjóri tölvumála, skólaliðar og stuðningsfulltrúar ýmist í heilu starfi eða hlutastarfi. Við skólann er einnig starfrækt Skólasel þar sem nemendur eru í gæslu að skóladegi loknum. Á Skólaseli starfa að jafnaði fjórir starfsmenn. Bókasafn Sandgerðis er rekið í skólahúsnæðinu og veitir skólastjóri því forstöðu, það er opið nemendum, starfsfólki og almenningi á skólatíma. Innangengt er úr skóla í Tónlistarskóla Sandgerðis, bókasafn eins og áður sagði, Skólasel sem og í íþróttamiðstöð og sundlaug sem nemendur hafa aðgang að. Samstarf er víðtækt við Tónlistarskólann og Hjallastefnuleikskólann, Sólborg í Sandgerðishluta Suðurnesjabæjar. Auk þess sem barnakór er rekinn í samvinnu við kirkjuna og tónlistarskólann.

## 2 Skólinn

---

Skólinn býr við góða aðstöðu, húsnæði er rúmt og viðhald er ásættanlegt. Skólalóðin er stór og ákjósanleg til útivistar og leiks og er hún opin jafnt á skólatíma sem utan hans. Í skólastarfinu er áhersla lögð á uppbyggingarstefnuna, Uppeldi til ábyrgðar og nýtingu umhverfisins og nærsamfélagið allt nýtt til kennslu þar sem bæjarstæðið býður upp á margvíslega návist við náttúruna. Skjöldur, eineltisáætlun skólans, sem miðar að jákvæðum samskiptum er nýtt markvisst og í sífelldri endurskoðun. Áætlunin er afar metnaðarfull og sameinar hugmyndafræði Uppbyggingarstefnunnar (e. Restitution), vinnu gegn einelti með jákvæðum samskiptum og áætlun um viðbrögð ef upp kemur samskiptavandi eða grunur vaknar um einelti. Skólinn er heilsueflandi skóli og hafa ákveðin skref í þá átt verið tekin jafnt og þétt á síðustu misserum. Lestrarstefna skólans er afar metnaðarfull og hafa framfarir eldri nemenda verið sérstaklega áberandi síðustu ár. Þá stefnir skólinn á að verða vottaður réttindaskóli Barnasáttmála Sameinuðu þjóðanna næsta skólaár.

### 2.1 Stjórnun

Skólastjóri er forstöðumaður og ber ábyrgð á starfi skólans gagnvart bæjarstjórn. Hann stjórnar skólanum ásamt aðstoðarskólastjóra og deildarstjórum og í sameiningu veita þeir skólanum faglega forystu. Tveir deildarstjórar starfa við skólann og stýra faglegu starfi ásamt stjórnendum og mynda þessir fjórir aðilar stjórnunarteymi skólans. Annar deildarstjóranna sinnir þörfum hins almenna nemanda og stýrir faglegu starfi meðal kennara, uppbroti og kennsluráðgjöf ásamt því að vera í stöðu leiðsagnarkennara. Hinn deildarstjórinn hefur umsjón með skipulagningu og framkvæmd sérkennslu og sérúræða þ.m.t. í samráði við sérkennara

og þroskaþjálfar og hefur yfirumsjón með starfsemi garðanna (Ásgarður, Riddaragarður, Þjóðgarður og Mikligarður). Þrír verkefnastjórar starfa við skólann, verkefnisstjóri læsis, verkefnisstjóri námsvers nemenda með íslensku sem annað mál (ÍSAT) og verkefnisstjóri sérúrræða.

## 2.2 Hlutverk

Hlutverk Sandgerðisskóla er að hafa faglega forystu og ábyrgð á menntun sex til sextán ára barna í Suðurnesjabæ. Honum er ætlað að stýra og fylgja eftir framsækinni stefnumótun í skólamáli sem er í stöðugri þróun og endurskoðun á ári hverju í takt við skólafélag Sandgerðisbæjar (<https://www.sandgerdi.is/skolastefna-sandgerdisbaejar/>). Sandgerðisskóli vinnur samkvæmt skýrum markmiðum sem skipt hefur verið upp í fimm flokka; *þjónusta, innra starf, fjármál, mannauður og samfélag*. Þar má finna leiðir til að ná markmiðunum og mælitæki.

Stefnt er að því að nemendur geti notið bernsku sinnar í skólastarfi, eftir hæfileika sína og séu öryggir í öllu námi og starfi á vegum skólans og að allir í skólasamfélaginu kappkosti í sameiningu að stuðla að og viðhalda góðum starfsanda og jákvæðum skólalagum þar sem öryggi, vellíðan, heilbrigði og jákvæð samskipti eru höfð í hávegum. Einnig er markmiðið að stuðla að góðu samstarfi og samráði milli foreldra og skóla um nám nemenda, hegðun og samskipti. Leiðarljós Sandgerðisskóla, bæði í leik og starfi, eru *gildin; vöxtur, virðing, vilji og vinátta*.

Frómábyrgð á uppeldi og menntun hvílir á foreldrum en skólinn, í samstarfi við heimilin, veitir börnum og unglíngum einstaklingsmiðaða menntun til að takast á við líf og starf í skóla án aðgreiningar eins og Aðalnámskrá grunnskóla kveður á um (2011). Hlutverk skólans eins og segir í skólanámskrá hans er m.a. að sjá nemendum fyrir formlegri fræðslu og taka þátt í félagslegri mótun þeirra. Í henni er kennsluskrá fyrir hvern bekk auk almennra upplýsinga. Þeir nemendur sem víkja frá almennum markmiðum fyrir hvern árgang vinna eftir einstaklingsnámskrá. Einstaklingsnámskrá er unnin í samvinnu stjórnenda, kennara, sérkennara, þroskaþjálfara og foreldra undir öruggri stjórn deildarstjóra stoðþjónustu.

## 2.3 Þjónusta

*Stefna Sandgerðisskóla er að:*

- standast ætíð kröfur og lög um grunnskóla,
- bjóða upp á vandað einstaklingsmiðað nám við hæfi hvers og eins þar sem tekið er tillit til þjóðernis, félagslegrar stöðu og sérþarfa einstaklinga,
- nemendum líði vel og þyki gaman í skólanum,
- virðing sé höfð að leiðarljósi í öllum samskiptum starfsfólks, nemenda og foreldra,
- gott upplýsingaflæði sé milli skóla, heimila og samfélags.

## 2.4 Innra starf

*Stefna Sandgerðisskóla er að:*

- unnið sé að skólanámskrá sem uppfyllir kröfur laga og aðalnámskrár grunnskóla,
- kennsluaðferðir séu fjölbreyttar og hæfileikar hvers og eins fái notið sín í námsumhverfi sem er aðlaðandi og hvetjandi,
- gera nemendur sjálfstæða í námi,
- fylgja lestrarstefnu skólans,
- vinna samkvæmt hugmyndafræði Uppbyggingar (e. Restitution) þvert á allt skólastarf,
- stuðla að auknum félagsþroska nemenda og rækta með þeim mannúð og virðingu fyrir sjálfum sér og umhverfi sínu,
- skipulag nýbúafræðslu og sérkennslu sé gott og aðgengilegt þeim sem að því koma,
- námsárangur sé viðunandi og í samræmi við þrepamarkmiðum *Aðalnámskrár grunnskóla*,
- þátttaka foreldra sé öflug, víðtæk og markviss.
- sjálfsmat sé hluti af starfi skólans,
- verkferlar og vinnubrögð séu skýr,
- verkaskipting stjórnenda og annarra starfsmanna sé skýr og öllum ljós,
- búnaður og aðstaða sé eins og best verður á kosið,
- halda áfram góðu samstarfi við leikskólann Sólborg þar sem unnið hefur verið að verkefninu „*Brúum bilið*“,
- efla samstarf við framhaldsskóla,
- efla samstarf við Tónlistarskóla Sandgerðis,
- agamál og líðan nemenda séu í góðum farvegi,
- ná að vinna eftir markmiðum nýrrar framtíðarsýnar 2016-2020.

## 2.5 Fjármál

*Stefna Sandgerðisskóla er að:*

- skólinn hafi á hverjum tíma úr nægu fjármagni að spila til að sinna hlutverki sínu af þeim krafti sem hann ætlar sér,
- rekstur sé sem hagkvæmastur og í samræmi við fjárhagsáætlun.

## 2.6 Mannauður

*Stefna Sandgerðisskóla er að:*

- hafa ætíð vel menntað og hæft starfsfólk að störfum,
- starfsmenn taki þátt í mótun skólastarfsins og stefnu skólans,
- móta gott og hvetjandi starfsumhverfi þannig að öllum líði vel í starfi,
- hæfileikar hvers og eins fái að njóta sín í hvetjandi og uppbyggilegu starfsumhverfi,
- móta sér eigin endurmenntunaráætlun út frá stefnu skólans og þörfum,
- allir starfsmenn hafi aðgang að endurmenntun við hæfi,
- allir kennarar móti sér áætlun um endurmenntun í samræmi við stefnu skólans,
- allir starfsmenn séu meðvitaðir um hlutverk sitt og ábyrgð í skólastarfinu,
- skapa stöðugleika í starfsmannahaldi,
- standa vörð um jafnan rétt kynjanna,
- allir starfsmenn taki þátt í aðgerðaráætlun gegn einelti, að Skjöldur sé virkur.

## 2.7 Samfélag

*Stefna Sandgerðisskóla er að:*

- stuðla að samstarfi við grenndarsamfélagið,
- stuðla að jákvæðri ímynd skólans og menntunar,
- vera lifandi miðstöð í bæjarfélaginu þar sem allir eru velkomnir,
- vera öllum opinn og í góðum tengslum við nánasta umhverfi, náttúru, menningu og atvinnulíf,

- skólastarfið sé ekki bundið innan veggja skólans og skólahúsnæðið standi annarri uppbyggilegri starfsemi til boða sem stuðlar að velferð samborgara og auki hag samfélagsins.

## 2.8 Sjálfsmatsviðmið

Við árlega endurskoðun starfsáætlunar fyrir Sandgerðisskóla og áætlunar um úrbætur er unnið út frá útkomu úr fyrra sjálfsmati. Þá er gerð áætlun um úrbætur og viðhald fyrri styrkleika. Þannig eru sett viðmið um stöðugan vöxt og árangur í skólastarfinu. Þá er horft sérstaklega til hvers þáttar: þjónustu, innra starfs, fjármála, mannauðs og samfélags.

## 3 Markmið og tilgangur matsins

---

Í lögum um grunnskóla nr. 66/1995 eru ákvæði þess efnis að sérhver skóli skuli innleiða aðferðir til að meta skólastarfið, þar á meðal kennslu- og stjórnunarhætti, samskipti innan skólans og tengsl við aðila utan skólans.

Sandgerðisskóli hefur frá haustinu 2007 unnið markvisst að umbótum með sjálfsmati.

Í starfsáætlun skólans og skólanámskrá er stefnu Sandgerðisskóla gerð skil. Hlutverk sjálfsmatsins er að kanna hvort skólinn sé að ná þeim markmiðum sem þar eru sett fram og segja frá þeim úrbótum sem gera þarf til að markmið náist og leiðir til að viðhalda jákvæðum árangri.

### 3.1 Staða sjálfsmats að vori 2020

Sandgerðisskóla hefur á undanförunum 13 árum innleitt sjálfsmat og þar með eflt innra mat skólans verulega. Kannanir Skólapúlsins eru lagðar fyrir nemendur, foreldra og kennara, allir starfsmenn taka þátt í starfsmannakönnun sem lögð er til grundvallar starfsmannasamtala. Auk þess voru lögð fyrir samræmd próf og tekur skólinn þátt í stórum rannsóknum á gengi og árangri nemenda m.a. rannsóknum *Rannsóknna* og *greiningar* og PISA. Til viðbótar þessara stöðluðu kannana hafa reglulega farið fram viðtöl við starfsmenn, foreldra og nemendur.

Kannanir Skólapúlsins hafa myndað langstærstan hluta gagnagrunnsins sem innra matið byggir á, frá ári til árs. En auk þess er notast við formleg próf og annað námsmat, nemendasamtöl, foreldrafundi, starfsmannafundi, starfsmannasamtöl, rannsóknir sem skólinn tekur þátt í, ábendingar og fleira sem að gagni kemur. Samkvæmt Skildi, áætlun skólans gegn einelti, er tengslakönnun gerð árlega sem unnið er markvisst úr.

Upplýsinga hefur verið aflað, unnið hefur verið markvisst að úrbótum, skýrslugerð hefur verið sinnt og formlegar kynningar hafa farið fram ásamt úrbótum á árangursmati. Þá er farið að huga að endurnýjun á framtíðarsýn skólans en núverandi sýn nær þá til árunna 2016-2020.

## 3.2 Verkefni og mælikvarðar

Í Sandgerðisskóla er unnið að ýmsum verkefnum sem eru í stöðugri endurskoðun. Hér er átt við vinnu er tengist öllu starfsumhverfinu, vinnu starfsfólks skólans sem og nemenda.

Innan veggja skólans ríkir mikill vilji til að gera vel. Metnaður hefur verið lagður í að byggja upp vettvang til að meta vinnu og starfshætti starfsfólks. Kannanir hafa verið gerðar á meðal starfsfólks, hvað varðar aðbúnað, ráðstöfun auðlinda, þróunarstarf og unnið hefur verið að því að auka ytri tengsl við samfélagið. Kapp hefur einnig verið lagt á að ná fram sem bestum upplýsingum frá nemendum og er það gert t.d. með því að skoða niðurstöður kannana og miða þær við markmiðssetningu haustsins, svo og niðurstöður almenns mats og samræmdra prófa á ári hverju, nemendasamtala, tengslakannanna og niðurstöður Skólapúls.

Kynningar á niðurstöðum hafa verið bættar þó enn megi gera betur. Starfsfólk hefur fengið góðar kynningar og hefur greiðan aðgang að öllum niðurstöðum formlegra kannana. Þegar að úrbótastarfi og markmiðasetningu kemur er þessi vitneskja hins almenna starfsmanns afar mikilvæg og það að vera vel upplýstir um stöðu mála eigi hópnum á að takast að ganga í takt og nám þeim markmiðum sem sett eru.

Mikil vinna var lögð í innleiðingu markmiðasetningar s.b. hæfniviðmið og námsmat. Þessi vinna og markmið hafa verið í stöðugri endurskoðun í takt við áherslur í samfélagi og með einstaklingsmiðun og ólíkar þarfir nemenda að leiðarljósi. Þá hafa matsviðmið verið skoðuð og teknir upp nýir einkunnakvarðar á unglíngastigi í samræmi við Aðalnámskrá. Umhverfið þarf að bjóða upp á sjálfsrýni, stöðuga endurskoðun og eflingu mannaúðs. Kjarasamningar kennara styðja við þessa vinnu þar sem aukið rými gefst til þróunarvinnu og uppbyggingar faglegra þátta skólastarfsins.



### 3.3 Matsáætlun

Rammi fyrir matsáætlun – 2018 - 2021 byggt á fyrri matsmarkmiðum.

Til að halda samanburði milli ára eru sömu kannanir lagðar fyrir en einstaka þáttur skoðaður sérstaklega eins og áætlunin gefur til kynna. Auka kannanir eru svo settar inn þar sem það á við.

Viðfangsefni sjálfsmats	2017-2018	2018-2019	2019-2020	2020-2021
Námskrá – skipulag, stefna og markmið		x		x
Nám – námsmat – námsárangur	x			x
Líðan nemenda, þarfir, starfsandi		X	x	
Kennsla, starfþróun og fagmennska	x		x	

Líðan starfsfólks – starfsandi, samstarf	x	x		
Stjórnun	x			
Viðmót og menning skóla		x		
Aðbúnaður				
Samstarf heimila og skóla		x		x
Ytri tengsl - samfélag	x			
Ráðstöfun auðlinda		x		
Þróunarstarf – einstök verkefni				x
Framtíðarsýn 2016-2020	x		x	

## 4 Aðferðir, framkvæmd og niðurstöður sjálfsmats

---

### 4.1 Rannsóknaraðferðir og þátttakendur

Rannsóknaraðferðir við sjálfsmat Sandgerðisskóla eru margþættar. Kannanir eru bæði framkvæmdar innan skólans sem og af viðurkenndum fagaðilum sem við eigum í samstarfi við líkt og Skólapúlsinn. Haldnir eru fundir, starfsmannaviðtöl fara fram sem og foreldrafundir, foreldrar koma í heimsókn og sækja foreldrasamveru, árangur nemenda er metinn með formlegum prófum og með öðru fjölbreyttu námsmati m.a. sjálfsmati nemenda. Ritaðar eru fundargerðir á formlegum fundum, skólanámskrá er endurskoðuð og gefin út samkvæmt lögum á hverju hausti, starfsáætlun er endurskoðuð og gefin út ár hvert lögum samkvæmt í takt við vinnu að fjárhagsáætlun. Samvinna er við teymi, sérfræðinga og fræðsluskrifstofu Reykjanesbæjar ásamt samstarfi við Hjallastefnu-leikskólann Sólborg. Nánar er fjallað um framkvæmd matsins, útgáfu og kynningar á mati í tímasettri áætlun (sjá töflu).

### 4.2 Helstu niðurstöður

Helstu niðurstöður sjálfsmats 2019-2020

#### Skólapúlsinn

Enn þarf að huga að ánægju af lestri, sérstaklega yndislesturs eldri nemenda, vinna að bættum árangri með því að efla sjálfsálit, gera þrautseigju hátt undir höfði, bæta samskipti milli nemenda með áherslu á jákvæðan skólabrag og lýðræði. Nemendur verða að öðlast frekari trú á sjálfa sig og eigin getu. Viðhalda þarf jákvæðni gagnvart náttúrufræði á unglíngastigi.

Skoða þarf áfram námsárangur nemenda í Sandgerðisskóla, úrvinnslu námsmats, metnað nemenda og hegðun og aga. Mikla vinnu þarf að leggja í námsmat m.a. út frá áherslum nýrrar Aðalnámskrár og hefur nú þegar töluverð vinna við það farið fram. Samhliða innleiðingu nýs námsmats þarf að gera matið meira leiðbeinandi og fjölþættara. Huga þarf að mannaúði og tryggja að hver og einn fái að njóta sín sem best í starfi þannig að vinna og kraftur hvers og eins nýtist sem best fyrir alla aðila.

Virkja þarf enn frekar samstarf milli heimilis og skóla, nýta bekkjarfulltrúa, áhugasama og meðvitaða foreldra og þann mátt sem býr í öflugum hópi forráðamanna.

Bæta þarf líðan og huga að skólabrag með fjölbreyttum kennsluháttum og vinna markvisst að því að auka vægi gleði og sköpunar í skólasamfélaginu.

Rík áhersla hefur verið á skýr og markviss vinnubrögð í lestri, stærðfræði auk skimanna og skýrra vinnubragða við úrvinnslu og undirbúning samræmdra prófa. Vinnan hefur skilað árangri í lestri og meðal starfsfólks í skýrum og sameiginlegum markmiðum um árangur og vellíðan.

Áherslur Mennamálaráðuneytisins og breytingar á námskrá og námsmati hafa umtalsverð áhrif á starfið sem og aukna vinnu kennara utan kennslustunda.

Helstu verkefni fyrir komandi skólaár

- Áframhaldandi áhersla á gleði, sköpun og fjölbreytni í kennsluháttum.
- Halda áfram að innleiða Byrjendalæsi, enn eru kennarar að hefja fyrsta ár og einhverjir á öðru ári. Mikilvægt að halda þessu vel heppnaða og skemmtilega verkefni við.
- Halda áfram að vinna að aukinni upplýsingatæknikennsla með forritun og verkfræði ívafi.
- Efla enn frekar nýju heimasíðuna með fréttum úr daglegu starfi.
- Opnari skóli, auknar fréttir og upplýsingar um starf innan veggja skólans til samfélagsins.
- Vinna áfram með nýtt námsmatskerfi.

- Efla enn frekar stoðþjónustu fyrir nemendur með sérþarfir, er orðið öflugt kerfi sem enn er þó í mótun.
- Aukin áhersla á list- og verkgreinar ásamt almenri sköpun, samþætt við annað nám.
- Efla enn frekar Verkval á miðstigi og bæta við verkvali á yngsta stigi.

### Gagnaöflun, skráning og úrvinnsla

Allt starfsfólk gekkst undir könnun Skólapúlsins og auki svarar allt starfsfólk spurningum um starfið og líðan og stuðning á vinnustað fyrir starfsmannasamtöl að vori.

Þá svarar úrtak nemenda í skólanum spurningalista á netinu. Spurningalista Skólapúlsins fyrir nemendur er skipt í fjóra flokka; *Virgni nemenda í skólanum, Líðan nemenda, Skóla- og bekkjarandi, Opnar spurningar*. Valið á flokkunum og spurningunum sem í þeim eru byggir að mestu á rannsóknum á íslenskum PISA gögnum og kvörðum frá Námsmatsstofnun og HBSC (Health Behaviour in School-Aged Children) rannsókninni sem var samstarfsverkefni Háskólans á Akureyri og Lýðheilsustöðvar. Umsjónarmenn og ráðgjafar eru Kristján Ketill Stefánsson og Almar Halldórsson.

### Tilgangur og markmið

Könnun á virkni, líðan og afstöðu nemenda, foreldra og starfsmanna til skólastarfs í Sandgerðisskóla er liður í sjálfsmati skólans. Sjálfsmatið miðar að raunhæfu mati sem hægt er að byggja áætlanir um úrbætur á og taka ákvarðanir er varða framtíð skólastarfsins á grundvelli þess.

Heildar niðurstöður lágu fyrir á vordögum 2020 í formi tölfræðilegra upplýsinga sem settar voru upp í myndrit. Þar kom fram samanburður milli skólans í heild og landsins annars vegar, fyrir mælingar skólaársins sem og samanburður við fyrri ár sem og samanburður milli kynja annarsvegar og árganga hins vegar fyrir nýliðið ár.

- Skerpa á vinnu er varðar hópefli og sjálfstraust nemenda, efla félagsfærni og þrautseigju.
- Vinna enn frekar og markvissar í Uppbyggingarstefnunni.
- Halda áfram aukinni og góðri samvinnu við félagsþjónustu og leggja áherslu á að hægt sé að veita ráðgjöf og bregðast við ástandi áður en mál eru komin í óefni.

Við höfum nú nokkuð góðan samanburð milli ára þar sem skólinn hefur nýtt sér Skólapúlsinn frá skólaárinu 2008-2009. En niðurstöður fyrir úrtakið eru birtar á vefsvæði skólastjóra þegar 80% svörin í úrtaki er náð.

### Almennt – allir starfsmenn Sandgerðisskóla

Samkvæmt niðurstöðum Skólapúlsins og starfsmannasamtala hefur dregið marktækt úr álagi á starfsfólk milli ára. Skýrleiki hlutverka hefur aukist sem og jákvæðar áskoranir í starfi. Þá telur starfsfólk leikni sína í starfi hafa aukist sem og skuldbindingu til vinnustaðarins. Þá er skörun vinnu og einkalífs marktækt minni í Sandgerðisskóla en meðaltal á landsvísu segir til um. Starfsandi, stuðningur frá samstarfsfólki og við nýsköpun aukist marktækt frá síðustu könnun og megum við vel við una. Þá hefur dregið úr mismunun og einelti svo marktækt er. Hvað varðar stjórnun skólans þá telur starfsfólk forystu skólans sanngjarna og valdeflandi, ræktun mannauðs hefur aukist marktækt sem og stuðningur frá næsta yfirmanni. Þá hefur allt starfsfólk fengið starfsmannasamtal við yfirmann og telja 98,2% starfsfólks þau samtöl hafa verið gagnleg. Hvað varðar kennara þá er áncægja með kennarastarfið langt yfir landsmeðaltali og telja kennarar sig hafa dregið úr námsmati með prófum, að þeir undirbúi kennslu meira í skólanum en áður og að upplýsingamiðlun milli heimilis og skóla hafi aukist. Það sem betur má fara er einstaklingsmiðuð kennsla og hópavinna í bekk. Þá hefur trú kennara á eigin getu dalað örlítið og vert að huga að því í starfi næsta vetrar.

### Starfsmannasamtöl

Niðurstöður starfsmannasamtala er sambærileg en þar segja starfsmenn sig áncægða eða mjög áncægða með aðbúnað og vinnuaðstöðu. Þeir eru áncægðir með starfsanda og samskipti við nemendur og samstarfsfólk. Starfsáncægja mælist mjög há meðal starfsfólks skólans samkvæmt starfsmannasamtölum. Mikilvægt er að viðhalda góðu upplýsingaflæði og er starfsfólk að mestu áncægt með minni fundarsetu og mælist vikupistillinn vel.

### Síðasti Skólapúls - áhyggjuefni

Mikilvægt er að horfa áfram til niðurstaðna úr síðustu könnun kennara Skólapúlssins (2018-19) þar sem teikn voru á lofti um að dregið hefði úr námsaðlögun og fjölbreyttum kennsluháttum í námi nemenda. Þar sagði að dregið hefði úr hópavinnu nemenda um 9,5% milli ára sem er áhyggjuefni ef lítið er til stefnu skólans um fjölbreyttar kennslu- og námsaðferðir, þetta hefur þó farið upp á við um 10,3% milli ára en betur má ef duga skal. Kennarar svöruðu því til að þeir noti stundum fjölbreyttar hópaskiptingar en einstaklingsvinna hafði þá aukist um tæp 18% síðustu ár og ekki hefur dregið jafn mikið úr þessum lið og við vildum. Segja kennarar nemendur enn oftast vinna sjálfstætt eftir markmiðum sem þeim séu sett fyrir og stundum/sjaldan eftir eigin markmiðum. Þá hafði einstaklingsmiðuð kennsla dregist saman um tæp 20% síðustu ár og heldur áfram að dragast saman nú um 1,6%. Þessar niðurstöður eru á skjön við markmið Aðalnámskrár sem kveður á um einstaklingsmiðuð nám/námsaðlögun og fjölbreyttar kennsluaðferðir með mismunandi fyrirkomulagi (hópaskiptingar sem dæmi).

Áhersla kennara á námsmat með prófum hafði aðeins aukist (2,9%) og var námsmat aðallega í höndum kennara í formi hefðbundinna prófa (69,5%), leiðsagnarmats eða símats en lítil sem engin áhersla á jafningjamat, sjálfsmat nemenda eða mat frá foreldrum. Vel hefur þó dregið úr þessu milli ára (19,8%) sem er vel.

Huga þarf áfram að fjölbreyttari matsleiðum og þörfum nemenda þegar kemur að námi og kennsluaðferðum kennara. Mikil vinna var lögð í vinnu og mat út frá hæfniviðmiðum Aðalnámskrár vorið 2016 og hefði mátt ætla að sú vinna skilaði sér í formi fjölbreyttara námsmats en það virðist ganga hægt.

Mikilvægt er að skoða þetta áfram og bera saman við næstu könnun á vordögum 2021.

### Starfsumhverfi kennara – kennarar – hafa í huga áfram

Kennarar í Sandgerðisskóla skora marktækt vel yfir landsmeðaltali þegar kemur að hvoru tveggja stuðningi við kennara vegna nemenda með námserfiðleika og vegna hegðunarörðugleika nemenda eða sem svarar 1,4/1,9 stigum yfir landsmeðaltali sem telst mikill munur og er meðal þess hæsta á landinu. Þá þykir kennurum þeir fá faglega stuðning frá skólastjóra (1,3 stig yfir landsmeðaltali) en dregið hefur marktækt úr samráði og samvinnu um kennslu sem nemur 0,9 stigum og er það áhyggjuefni sem gæti skrifast á frjálsa viðveru kennara. Þá þykir kennurum eigin vinnuaðstaða góð og eru yfir þar vel yfir landsmeðaltali. Kennurum skólans finnst þeir fá hæfilegt mat og endurgjöf frá stjórnendum og gætir sanggirni og gagnsemi í mat og endurgjöf. Kennarar virðast fullnægja endurmenntunarpörf sinni, enda hefur endurmenntunardögum fjölgað sem nemur tæpum fimm dögum, þó er hlutfall kennara sem hefði viljað meiri símenntun undanfarna 18 mánuði farið úr 24% í 30,3%. Þrátt fyrir að meirihluti kennara sé ýmist að ná sér í kennsluréttindi eða í viðbótarnámi. Síðasta vetur var þónokkuð um námskeið og skipulagsbreytingar til að mæta þessu og má nefna:

- Sérstakir fundir stjórnenda með árgangateymum til að sinna kennsluráðgjöf.
- Námskeið frá KVAN – til að bæta bekkjarbrag og sinna forvörnum í einelti.
- Námskeið í Hugarfrelsi – til að vinna með sjálfstjórn og bæta bekkjarbrag.
- Starfsmaður sinnti ráðgjöf í upplýsinga- og samskiptatækni sem nýtist í kennslu.
- Stuðningur stoðteymis við umsjónarkennara vegna kennslu nemenda með sérþarfir eða sérstakan stuðning.
- Aukning við stöðugildi vegna kennslu barna með íslensku sem annað mál og farið af stað með stuðning við kennslu í fjölmennigarumhverfi.

- Aukin ráðgjöf til nemenda.

## 4.3 Skólapúlsinn – foreldrakönnun

Svarhlutfall 87,7%

### Nám og kennsla

Ánægja foreldra með nám og kennslu í skólanum mælist 5,8 miðað við 5,0 á landinu sem er jákvætt marktækur munur og hækkun um 0,3 stig milli ára. Foreldrar telja almennt að námslegum þörfum nemenda er mætt. Þá eru 94,7% foreldra ánægðir með stjórnun skólans sem er 4,8% yfir landsmeðaltali. Einnig finnst foreldrum námsefni hæfilega þungt (83,5% segja svo vera) og hið sama má segja um aga sem þeim þykir hæfilegur (76,3%) og eru báðir þessir nánast á pari við landsmeðaltal. Þá eru 94,7% foreldra ánægðir með stjórnun skólans sem er 10% hækkun síðustu ár og er það vel.

### Velferð nemenda

Ánægja foreldra með hve vel skólinn mætir þörfum nemenda í Sandgerðisskóla er 94,4% miðað við 88,7% á landinu. Hvað varðar líðan nemenda og einelti þá telja 94,7% foreldra börnum sínum líða vel í skólanum, sem er lítilleg aukning frá því í fyrra og 3,2% yfir landsmeðaltali sem er mikilvægt að viðhalda. 94,6% foreldra segja barninu sínu líða vel í kennslustundum sem er afar jákvætt og marktækur jákvæður munur miðað við landið upp á 4,0% og 94,4% þeirra telja líðan nemenda í frímínútum góða sem er jákvæð aukning milli ára. Þá hefur ánægja foreldra er varðar samskipti starfsfólks haldist milli ára sem er afar gott. Umfang eineltis er að mati foreldra 4,4% sem er töluverð lækkun milli ára (5,4% lækkun) og vel undir landsmeðaltali og ánægja foreldra með eineltisáætlun og viðbrögð skólans við einelti og samskiptavanda er 30,3% yfir landsmeðaltali sem verður að teljast afar gott og er mat foreldra að meðaltími eineltis sé 1,1

stig sem er -0,3 undir landsmeðaltali en ánægjulegt að sjá að á landinu öllu lækkar meðaltími eineltis.

### Aðstoða og þjónusta

Foreldrar skólans eru ánægðir með þá aðstöðu sem nemendur hafa í skólanum, 6,7 stig á móti 5,5 stig á landinu sem er marktækur munur og vel yfir landsmeðaltali ásamt því að hafa aukist síðustu ár. Þeir eru ánægðir með tómstundaþjónustu/frístundaheimili (6,2 stig á móti 5,0 stigum á landsvísu) og 78,6% eru ánægðir með máltíðir mötuneytis sem er lækkun milli ára en notkun á mötuneyti hækkar þó líttillaga upp í 92,5% milli ára.

### Foreldrasamstarf

Flestir þættir þessa liðs hafa dalað milli ára þó þeir séu jákvætt hærri en landsmeðaltal segir til um. Telja foreldrar hafa dregið úr tilliti til ábendinga þeirra og tillaga, þeir hafi minni áhrif á ákvarðanir varðandi nemendur og taki síður þátt í námsáætlanagerð barna sinna. 92,8% foreldra eru ánægðir með síðasta foreldrasamtal og sá liður sem mest hefur hækkað milli ára í skólanum. Þá eru foreldra ánægðir með heimasíðu skólans og telja sig upplýsta um stefnu skólans og námskrá sem er aukning milli ára. Varðandi frumkvæði kennara að foreldrasamstarfi hefur það dregist saman frá í fyrra þegar það hafði aukist milli ára. Að þessu þarf að huga vel.

### Heimastuðningur

Foreldra telja sig marktækt virkari í námi barna sinna en landsmeðaltal segir til um og gefa svör foreldra nemenda í Sandgerðisskóla til kynna 0,7 stig umfram landsmeðaltal (5,7 stig á móti 5,0 stigum) sem er marktækur munur og hefur aukist hjá okkur milli ára. Foreldrar hafa að sama skapi trú á eigin getu til að hjálpa barni sínu við námið og segja börn sín vilja þiggja þeirra aðstoð, mikill meirihluti foreldra telja heimavinnu hæfilega og aðstoða börn sín marktækt meira við heimanám en foreldrar á landsvísu eða sem nemur 10,6% umfram landsmeðaltal og hefur hækkað um 11,4% milli ára í skólanum, þarna gæti COVID-19 haft eitthvað um að segja. Væntingar

foreldra um háskólanám barna hefur dalað örlítið milli ára meðan væntingar til iðnáms hafa hækkað og erum við þar yfir landsmeðaltali.

Meðal jákvæðra svara í opnum spurningum nefna foreldrar gott andrúmsloft, faglegt og lausnamiðað starfsfólk, að nemendum líði vel og aðbúnaður sé góður. Að lokum má nefna að foreldrar segja einnig gott að allir séu á tánum varðandi einelti og gott starfsfólk sé að störfum í skólanum. Það sem er neikvætt að mati foreldra er frekast of lítið heimanám, að það þurfi að einstaklingsmiða nám nemenda betur og huga betur að líðan nemenda.

## 4.4 Skólapúlsinn - nemendakönnun

Svarhlutfall 90,8%.

### Eldri þátttakendur

Úrtak nemenda úr 6. – 10. bekk gengst undir könnun á rafrænu formi í tvígang á skólaárinu. Fyrri mælingin fór fram í október og sú síðari í apríl. Fjöldi nemenda í hvoru úrtaki er jafn úr árgöngum og eftir kyni. Þannig er reynt að tryggja að niðurstöður fyrir hvert úrtak komi frá breiðum hópi nemenda í skólanum og að þær endurspegli stöðu og skoðanir nemenda í öllum bekkjum og fyrir bæði drengi og stúlkur.

### Virgni nemenda í skólanum

Áncægja af náttúrufræði dalar örlítið milli ára. Líkt og á síðasta ári eru áhyggjur er varða vissa matsþætti sem þó hafa farið upp á við en eru enn undir landsmeðaltali. Áncægja af lestri er -0,3 stig en hefur þó aukist um 0,2 stig milli ára hér í skólanum, þrautseigja í námi stendur í stað en er -0,9 stig undir landsmeðaltali sem er neikvætt marktækur munur og aðgerða þörf. Áhugi á stærðfræði stendur í stað milli ára en er -0,3 stigum undir landsmeðaltali. Þegar kemur að trú á eigin vinnubrögðum í námi og trú á eigin námsgetu má sjá að sjálfstraust varðandi nám og sjálfstæði er ábótavant og þarf að bregðast við þessum niðurstöðum með markvissum hætti.

### Líðan og heilsa

Þegar kemur að sjálfsáliti og vellíðan lækkar stuðull skólans milli ára sem er miður þar sem markmið starfsfólks síðasta árs var að auka vellíðan nemenda vegna slakrar niðurstöðu síðustu ára. Hvað varðar einelti raðast Sandgerðisskóli aðeins yfir landsmeðaltal en hefur þó dregist örlítið saman milli ára og hefur tíðni þess dregist saman síðustu ár. Tíðni eineltis hefur einnig dregist saman milli ára og er á pari við landið. Þeir staðir sem nemendur segja einelti eiga sér stað er í samræmi við íslenskar og erlendar rannsóknir og ber þar hæst; í frímínútum innan dyra, í frímínútum á skólalóð og annars staðar. Hæstan stuðul fær þó liðurinn „í frímínútum á skólalóð“. Allt eru þetta þættir sem þarf að rýna betur í og vinna með.

### Skóla- og bekkjarandi

Í þessum þætti svara nemendur í skólanum svo til að samband nemenda við kennara, virk þátttaka nemenda í tímum og tíðni leiðsagnarmats er nánast á pari við síðustu könnun en örlítið hærrí en á landsvísu. Hvað varðar aga í tímum og samsömun við nemendahópinn erum við marktækt undir landsmeðaltali og þurfum að halda áfram þeirri vinnu sem nú er í gangi í samstarfi við KVAN. Samband nemenda við kennara er þó á pari við landið en fer örlítið niður á við milli kannanna. Þar svara nemendur því til að:

- flestir kennarar séu áhugasamir um að nemendum líði vel (92,4%%)
- ef mig vantar auka aðstoð fæ ég hana frá kennara mínum (87,6%)
- flestir kennarar mínir eru sanngjarnir við mig (91,5%)

Í opnum svörum þar sem nemendur eru beðnir um að nefna það sem er gott við skólann svara nemendur; vinir, góður bekkjarandi, lítið heimanám, góð aðstaða inni og úti, kennara séu skemmtilegir (fékk mest vægi), starfsfólk er gott og skemmtilegt og maturinn er góður (næst mest vægi). Hvað varðar það sem má bæta var tíðast að bæta mætti matinn, stytta skóladaginn og minnka námið.

## Svarhlutfall 95,2%

### Yngri þátttakendur - læsi

Nemendur í 1.-5. bekk tóku í annað sinn þátt í læsiskönnun Skólapúlsins á vorönn. Niðurstaða allra árganga var örlítið neikvæðari en í fyrra hvað varðar alla þrjá liðina; ánægja af lestri, ánægja með skólann og vellíðan í skólanum. Þessa þætti þarf að rýna í með kennurum og finna leið til úrbóta.

Matsþættir ↑↓	Niðurstaða	N	Breyting	Landið	N	Mismunur
1.1. Ánægja af lestri 1.b	5,1	21	-0,6	5,2	423	-0,1
1.2. Ánægja af lestri 2.b	5,1	25	-1,2	5,4	461	-0,3
1.3. Ánægja af lestri 3.b	4,6	21	-1,1	4,8	478	-0,2
1.4. Ánægja af lestri 4.b	5,1	30	-0,2	4,5	491	0,6*
1.5. Ánægja af lestri 5.b	4,2	31	0,4	4,2	519	0,0
1.6. Ánægja af lestri 1.-5.b	4,8	128	-0,5	4,8	2.398	0,0

## 4.5 Önnur gögn

Annað mat sem skólinn tekur þátt í en ræður ekki framkvæmd nema að litlu leyti en nýtir sér niðurstöður ásamt öðrum gögnum sem skólanum berast.

- Rannsókn og greining, könnun meðal eldri nemenda
- Samband sveitarfélaga - mat á skólastarfi
- PISA
- Samræmd könnunarpróf í 4, 7. og 10. bekk
- Læsi – lesskilningspróf fyrir 1. og 2. bekk (MSHA)
- Orðarún og Lesfimi – lestrar og lesskilningspróf (MMS)
- Aðrar kannanir og mat sem Sandgerðisskóli er aðili, beinn- eða óbeinn þátttakandi í.

### 4.5.1 Ýmsar kannanir

Til annarra gagna sem nýtast við sjálfsmatið teljast meðal annars; Starfsáætlun Sandgerðisskóla, Skólanámskrá Sandgerðisskóla, fjárhagsáætlun Sandgerðisskóla, fundargerðir formlegra funda, samantekt foreldrafunda, samantekt starfsmannaviðtala, samantekt stjórnendaviðtala við kennara, skýrslur þróunarteyma s.s. lestrarteymis, stýrihóps Skjaldar, áætlunar gegn einelti, útkoma úr viðtæku námsmati nemenda þ.m.t. niðurstöður samræmdra könnunarprófa, vorskýrslur vegna sérkennslu, vororð kennara, skýrsla um starfsmannahald, fundargerðir skólaráðs Sandgerðisskóla, viðburðaskráning á vefsíðu skólans. Breyting var gerð á fyrirkomulagi starfsmannaviðtala fyrir nokkrum árum og er skráning og undirbúningur fyrir samtöl rafrænn, sem eykur skilvirkni, skráningu og úrvinnslu viðtalanna.

#### 4.3.1 Niðurstöður fleiri þátta

Þeir nemendur sem þurfa séraðstoð í námi og víkja frá markmiðum bekkjarnámskrár fylgja einstaklingsnámskrá sem umsjónarkennari, deildarstjóri og aðilar stoðþjónustu vinna í samvinnu við foreldra og nemendur sjálfa. Foreldrar samþykkja svo með undirskrift sinni. Í skólalok að vori vinnur kennari ásamt sérkennara vorskýrslu þar sem markmið einstaklingsnámskrárinnar eru metin sérstaklega.

Foreldrasamvera er á haustdögum, samskiptadagar eru tvisvar sinnum á skólaárinu. Sendur er út listi með spurningum og efni til íhugunar fyrir viðtalið. Efni blaðsins síðan rætt í samtali foreldra, nemanda og umsjónarkennara sem tekur niður athugasemdir og niðurstöður fundarins til nánari vinnslu. Reglulega eru foreldrar hvattir til að koma í skólann og heimsækja börn sín og taka þátt í starfinu.

Stuðst er við mentor.is samskiptatæki á veraldarvefnum sem gerir samskipti innan skóla skilvirkari og upplýsingagjöf til foreldra, sveitarfélaga og annarra hagsmunaaðila öflugri. Rík áhersla er lögð á að foreldrar nýti sér það einnig til upplýsinga um stöðu barns síns í námi og líðan þess. Þar er skráð í dagbækur hvers nemanda fyrir sig allt það sem markvert telst og upplýsingar sem nauðsynlegt er að halda utan um. Þar skrá kennarar inn



mætingar hvers og eins nemanda daglega. Færst hefur í aukana að kennarar nýti sér einnig samskipti í gegnum Facebook, þá sérstaklega varðandi tilbreytingu og almennar fréttir til nemenda- og foreldrahóps. Deildarstjóri í samvinnu við aðstoðarskólastjóra fylgist með mætingum hvers og eins og bregst við lækkaðri mætingareinkunn líkt og sjá má í skólanámskrá.

Ný heimasíða var tekin í notkun á vordögum og er mikil ánægja með hana. Henni er ætlað að vera lifandi og í stöðugri þróun þannig að hún standist m.a. auknar kröfur um nýtingu snjalltækja. Heimasíðan er vistuð á slóðinni: [www.sandgerdisskoli.is](http://www.sandgerdisskoli.is). Þar má afla allra almennra upplýsinga um starfsemi skólans og starfsfólk hans.

Virkt upplýsingaflæði er innan skólans. Notast er við Teams og Sway pistlaformið og vikupistill sendur á allt starfsfólk með tölvupósti og pistil og upplýsingar á starfsmannasíðu Facebook.

Upplýsingaskjór er á kaffistofu þar sem upplýsingar og fundargerðir eru birtar og aðrar upplýsingar er varða starfið. Starfsmannafundir er 4 yfir veturinn og kennarafundir 2-3. Árgangafundir einu sinni í mánuði sem og sérfræðingateymisfundir en auk þess er fundað mánaðarlega með stuðningsfulltrúum og skólaliðum. Reynt hefur verið að gera fundi skilvirkari og hafa málefni þannig að þeir sem málið varðar séu boðaðir til funda aðrir ekki.



## 5 Samantekt og umbótaáætlun

Áætlun um næstu skref

Á haustdögum, skólaárið 2020-2021 verður gefin út starfsáætlun/framkvæmdaáætlun með fjárhagsáætlun fyrir árið 2021 og skýrsla um sjálfsmat skólans fyrir skólaárið 2019-2020 kynnt samfara. Þar fara saman upplýsingar og áætlanir um úrbætur og leiðir að áframhaldandi eða nýjum markmiðum sem samræmast sjálfsmati skólans. Mikilvægt er að kynna sér þessar tvær áætlanir samhliða.

### 5.1 Matsniðurstöður

Markmið og leiðir til viðhalds jákvæðra atriða og úrbóta varðandi neikvæðar niðurstöður.

#### 5.1.1 Styrkleikar

Markmið og leiðir til viðhalds og styrkingar

Þáttur	Mælikvarði	2019-2020	Markmið	Aðgerðir 2020-2021
Ánægja foreldra með hvernig skólinn mætir þörfum nemenda.	Skólapúls. Foreldrakönnun. Samtöl við foreldra, upplýsingar af teymisfundum.	Foreldrar í Sandgerði eru ánægðir með hvernig skólinn mætir þörfum nemenda. Þeir telja námsefni hæfilega þungt.	Öflugt einstaklingsmiðað skólastarf og fjölbreyttir kennsluhættir. Viðhalda ánægju.	Halda uppi öflugu, fjölþættu, einstaklingsmiðuðu skólastarfi. Viðhafa góð samskipti og virkt upplýsingaflæði.
Vellíðan nemenda í skóla, hefur þó aðeins dalað.	Skólapúls nemenda og foreldra. Samtöl við foreldra, upplýsingar af teymisfundum.	Foreldrar í Sandgerði eru ánægðir með hvernig börnum þeirra líður í skólanum. Nemendur segja líðan ekki eins góða og árið á undan,	Viðhalda og efla ánægju og vellíðan nemenda.	Auka enn frekar fjölbreytta vinnu með líðan nemenda. Fá námskeið frá KVAN.

Foreldrar eru virkir í námi barna sinna.	Skólapúls. Foreldrakönnun.	Foreldrar segjast virkir í námi barna sinni.	Gefa foreldrum tækifæri til að kynna sér námið sem fram fer í skólanum og eiga í góðu sambandi við skólann.	Samvinna sem einkennist af virðingu og trausti og lýðræði sé virk.  Hafa skólann opin og hvetja forráðamenn til þátttöku eins oft og hægt er.
Skólabragur og jákvæð samskipti.	Skólapúlsinn – Foreldra- og starfsmannakönnun.	Í opnum svörum foreldra kemur fram mikil ánægja með stjórnendur, starfsfólk almennt og vinnu gegn einelti.  Starfsfólk lýsir enn á ný yfir ánægju sinni með vinnustaðinn og stuðulinn hækkar áfram milli ára.	Að allir í skólasamfélaginu upplifi jákvætt andrúmsloft. Að við skólann starfi hæfir fagmenn og samskipti í skólanum einkennist af virðingu og jákvæðni.	Að viðhafa samskipti sem einkennast af hugmyndafræði uppbyggingar.  Að allir starfsmenn viðhafi jákvæð samskipti og leitist við að veita góða þjónustu.  Að viðhafa lýðræðisleg vinnubrögð.
Samskipti nemenda og kennara.	Skólapúlsinn – nemendakönnun. Samtöl og teymisfundir.	Nemendur upplifa að flestir kennarar séu áhugasamir um að þeim líði vel, að þeir fái auka aðstoð frá kennara ef þarf og að flestir kennarar séu sanngjarnir.	Að allir nemendur finni fyrir áhuga og aðstoð kennara sinna.	Auka þekkingu, leikni og hæfni kennara í námsaðlögun og virkri hlustun.
Árangur og kennsluhættir.	Skólapúlsinn - Foreldrakönnun, starfsmannasamtöl, samskiptadagar og formlegt námsmat.	Mikill meirihluti foreldra eru ánægðir með kennslu í skólanum.  Upplýsingamiðlun til foreldra hefur aukist.	Að stefna að fullum árangri hvers nemanda út frá þörfum, þannig að allir fái nám við hæfi.  Að hver nemandi sýni framfarir, skólastarf sé metnaðarfullt og nemendur fái að njóta sín í krefjandi námsumhverfi.	Mikilvægt að virkja hvern og einn nemanda og aðlaga námsefni að einstaklingum og hópum.  Að nám nemenda sé uppbyggjandi og hvetjandi þannig að þrautseigja, samviskusemi og dugnaður ásamt ánægju og gleði skili

				nemendum hámarks árangri, sjálfstæði og mannkostum.
Starfsánægja.	Skólapúlsinn - starfsmannakönnun, starfsmannasamtöl.	Starfsfólk finnur fyrir stuðningi stjórnenda og er ánægt í starfi og með starfsumhverfi sitt.	Viðhalda ánægju.	Viðhalda ánægju með virku og lífandi skólastarfi og endurmenntun í takt við þarfir og óskir starfsfólks.
Tíðni eineltis.	Skólapúlsinn –nemenda- og foreldrakönnun.	Tíðni eineltis er undir landsmeðaltali. Farið niður síðan í fyrra. Ánægja foreldra með hvernig skólinn hefur tekið á einelti hefur einnig aukist.	Viðhalda jákvæðum samskiptum milli nemenda þannig að ekkert einelti líðist í skólanum. Almenn ánægja á að ríka hvernig unnið er með að samskiptavanda sem upp kemur.	Að virðing í samskiptum kristallist í öllu skólastarfi okkar. Vinna áfram markvisst með Skjöld og samskiptateymi.
Ánægja af lestri, hefur þó dalað milli ára.	Skólapúlsinn.	Þegar ánægja af lestri er skoðuð kemur í ljós að nemendur í 1. – 5. bekk mælast yfir landsmeðaltali.	Að nemendur hafi ánægju af lestri, nái árangri og sú vinna sem lögð er áhersla á í skólastarfinu skili sér beint til nemenda.	Að halda áfram með innleiðingu Byrjendalæsis og efla enn frekar áhuga og jákvæðni nemenda á yngri stigum til lesturs og læsi.

## 5.1.2 Veikleikar

Markmið og leiðir til úrbóta

Páttur	Mælikvarði	2018-2019	Viðmið	Aðgerðir 2019-2020
Námsaðlögun, mat og kennsla.	Starfsmannasamtöl, Skólapúls á liðnum vetri.	Dregið hefur úr einstaklingsmiðun og áhersla á námsmat með prófi hefur aukist. Þetta hefur þó lagast milli ára en betur má ef duga skal.	Aukin einstaklingsmiðun. Fjölbreyttari matsleiðir.	Efla þarf námsaðlögun/einstaklingsmiðun og huga að fjölbreyttari matsleiðum.
Sjálfsálit og líðan nemenda.	Skólapúlsinn - Nemendakönnun, einstaklingsviðtöl.	Sjálfsálit nemenda í Sandgerði mælist lítið eitt lægra en gerist og gengur á landinu og það sama á við um líðan.	Að allir nemendur hafi trú á sjálfum sér og hafi gott álit á sjálfum sér og geti þannig viðhaft sjálfsvirðingu.	Nýta hugmyndafræði Uppbyggingar til sjálfsskoðunnar, bætingar og sjálfspækkingar. Þannig geta nemendur byggt um sjálfstraust og eflst.
Áncægja af lestri, hefur dalað á yngsta stigi.	Skólapúlsinn.	Þegar áncægja af lestri er skoðuð kemur í ljós að við höfum heldur risið en erum enn undir landsmeðaltali.	Að nemendur hafi áncægju af lestri, nái árangri og sú vinna sem lögð er áhersla á í skólastarfinu skili sér beint til nemenda.	Að endurskoðuð lestrarstefna komi til fullra framkvæmdar og vinna að 4. útgáfu sé í fullum gangi.  Að auka væri yndislesturs og viðhafa fjölbreytta kennsluhætti og vinnu með lestur, bókmenntir og sögur.

## 6 Framkvæmdaáætlun fyrir skólaárið 2020-2021

Unnið verður áfram að viðtækri öflun upplýsinga með viðtæku mati á skólastarfinu skólaárið 2020-2021 samkvæmt verkáætlun. Í kjölfar mats og útgáfu sjálfsmatsskýrslu fylgja kynningar og áætlun um framhald matsins fyrir komandi skólaár. Tryggja að könnun fari fram meðal nemenda, foreldra og starfsfólks í samvinnu við Skólapúlsinn. Sérstakri athygli verður beint að námskrá og skipulag náms (fjölbreyttir kennsluhættir og einstaklingsmiðun), þar verða stefna og markmið skoðuð, huga þarf að námsmati og námsárangri, líðan nemenda verður könnuð og unnið markvisst að aukinni vellíðan og sterkari sjálfsmynd með aðstoð Uppeldi til ábyrgðar, KVAN og hugarfrelsi. Áður taldir þættir verða skoðaðir sérstaklega ofan í kjölinn á næsta ári.

### Verkáætlun sjálfsmats 2019-2020

2020	Verkefni	Áætlun	Ábyrgð
Júní	Kynning á niðurstöðum foreldra- og starfsmannakannanna. Frumniðurstöður kynntar starfsmönnum.	Kynna niðurstöður og ræða þær meðal starfsmanna. Viðra hugsanlegar úrbætur og ástæðu fyrir niðurstöðum.	Skólastjórnendur.
Júní - september	Sjálfsmatsskýrsla unnin og kynnt fyrir fræðsluráði. Farið vel yfir helstu niðurstöður matsins.	Farið yfir alla þætti áætlunarinnar og þeir metnir.	Skólastjóri.
Júní – október	Starfsáætlun 2020-21	Starfsáætlun unnin. Kynnt á nýju skólaári í október 2020.	Skólastjórnendur.
Ágúst - október	Upprifjun á niðurstöðum kannanna frá skólaárinu 2019-2020 og úrbótaáætlun sérstaklega kynnt og endurskoðuð með starfsfólki.	Taka fyrstu skref í úrbótaáætlun með kynningu.	Skólastjórnendur.
Ágúst – október	Kynning á sjálfsmatsskýrslu og áætlunum skólans um úrbætur og viðhald.	Hafa allt skólasamfélagið með í vinnu við úrbætur.	Skólastjórnendur.

Ágúst – desember	Endurskoðun / útgáfa skólanámskrár.	Ný og endurbætt skólanámskrá skólans sem samræmist nýjum áherslum hefur verið kynnt, nú fest í sessi.	Skólastjórnendur.
September	Samskiptadagur.	Kynningafundur fyrir foreldra þar sem skólastarfið er kynnt og skoðanir foreldrar viðraðar. Nemendur setja sér markmið.	Kennarar og skólastjórnendur.
September	Uppgjör foreldraviðtala.	Farið yfir helstu niðurstöður foreldraviðtala á kennarafundi – áætlun um úrbætur sett fram.	Skólastjórnendur/deildarstjóri.
Júní - september	Vinnumat og vinnuskýrslur	Unnið að vinnumati í samvinnu við kennara. Vinnuskýrslur er kynntar fyrir starfsfólki og kennurum til samþykktar og undirritunar.	Skólastjóri.
September	Fjárhags- og framkvæmdaáætlun 2021.	Fjárhagsáætlun með framkvæmdaáætlun fyrir árið 2020 gefin út og kynnt. Skýrslu skilað til Sandgerðisbæjar.	Skólastjóri.
Október	Tengslakönnun lögð fyrir í öllum bekkjum og nemendaviðtöl framkvæmd.	Líðan og samskipti innan bekkja kortlögð og gripið til úrræða ef þurfa þykir.	Umsjónarkennarar, Skjöldur og Skólastjórnendur/deildarstjóri.
Desember 2020 – janúar 2021	Námsmat við annarskipti	Mat út frá hæfniviðmiðum fer fram, kennarar gefa nemendum umsögn.	Skólastjórnendur, deildarstjórar og kennarar.
Október 2020 og apríl 2021	Skólapúlsinn lagður fyrir.	Skólapúls lagður rafrænt fyrir úrtak nemenda eldri bekkja í tvígang yfir skólaárið. Skólapúls Sandgerðisskóla lagður fyrir yngri nemendur (1. – 5. bekk). Svokölluð broskallakönnun.	Aðstoðarskólastjóri.
2021			
Janúar	Samskiptadagur.	Foreldrar mæta til viðtals hjá umsjónarkennara. Námsmat rætt.	Deildarstjórar og kennarar.

Febrúar - mars	Starfsmannasamtöl.	Allt starfsfólk mætir í samtöl að undangengnum svarlista. Stjórnendur skipta með sér samtölum.	Skólastjórnendur.
Febrúar	Foreldra heimsóknir.	Foreldrar sérstaklega hvattir til að koma inn í skólann og fylgjast með skólastarfinu.	Kennarar og deildarstjórnar.
Febrúar - mars	Kynning á niðurstöðum Skjaldar Um nýja könnun er að ræða samkvæmt eineltisáætlun	Víðtæk kynning innan skólans, til foreldra og skólamálayfirvalda.	Eineltisteymi – Kynning til fræðsluráðs á ábyrgð skólastjóra.
Maí	Talkennsla – sérfræðiaðstoð metin.	Deildarstjórar fara yfir skýrslu með talmeinafræðingi, fara yfir veturinn og leggja línur fyrir næsta vetur.	Stjórnendur/deildarstjóri stoðþjónustu.
Júní	Uppgjör sérkennslu.	Fundað með öllum þeim sem koma að sérkennslu í skólanum. Skýrslum nemenda skilað og starfið metið, áætlun fyrir næsta ár lögð fram.	Stjórnendur/deildarstjóri stoðþjónustu.
Júní	Uppgjör nýbúafræðslu.	Fundað með öllum þeim sem koma að nýbúafræðslu í skólanum. Skýrslum um nemendur skilað og starfið metið, áætlun fyrir næsta ár lögð fram.	Skólastjóri, deildarstjóri stoðþjónustu og verkefnisstjóri nýbúafræðslu.
Júní	Framtíðarsýn.	Leggja mat á það hvort að þeim markmiðum sem sett voru í Framtíðarsýn 2016-2020 hafi miðað í rétta átt og vinna hafin við gerð Framtíðarsýnar 2021-2025. Formlegri sjálfsmatskýrslu skilað.	Stjórnendur.
Júní og ágúst	Uppgjör á samstarfi leik- og grunnskóla í Sandgerði (Suðurnesjabæ). Gögn varðandi væntanlegan hóp lögð fyrir og farið yfir niðurstöður Hljómprófs.	Fundur haldinn með stjórnendum leikskóla og farið yfir samstarf og markmið vetrarins metið. Línur lagðar fyrir komandi vetur. Áætlun lögð fram. Farið yfir væntanlegan hóp nemenda í 1. bekk (2021-2022)	Aðstoðarskólastjóri og deildarstjóri stoðþjónustu.

Júní – september	Sjálfsmatsskýrsla.	Sjálfsmatsskýrsla og áætlun fyrir skólaárið 2020-2021 unnin og kynnt.	Stjórnendur – sjálfsmatsteymi.
Á tveggja vikna fresti yfir skólaárið	Nemendaverndarráðsfundir. Teymi: aðstoðarskólastjóri, deildarstjóri stoðþjónustu, skólasálfræðingur, hjúkrunarfræðingur og aðili frá félagsþjónustu.	Farið er yfir mál einstakra nemenda sem þurfa á einhvern hátt sérmeðferð, vinnslu eða úrræði. Skýrsla í formi fundagerðar liggur fyrir eftir hvern fund - Trúnaðarmál. Leiðir í sérfræðiaðstoð í sífelldri skoðun.	Skólastjórnendur og Fræðsluskrifstofa.



## 6.1 Árangursmiðun – Framtíðarsýn metin

Mikilvægt er að meta hvort við séum að ná þeim árangri sem við stefndum að þegar við settum okkur framtíðarmarkmið varðandi árangur á árunum 2016-2020. Þar settum við okkur að ná verulegum framförum í lestri og lesskilningi. Að bæta árangur í samræmdum prófum. Að koma fyrir til móts við nemendur með sérþarfir og forráðamenn þeirra. Að auka metnað nemenda á mið- og eldra stigi. Að starfa með öflugum hópi starfsmanna, hverfa frá teymiskennslu.

Lestur og lesskilningur.

*Vinna samkvæmt lestraráætlun Sandgerðisskóla, stefna að því að allir nemendur lesi daglega í skóla og heima. Gera framfarir enn sýnilegri, setja markmið með nemendum og forráðamönnum og efla eftirfylgd með heimalestri. Lögð sé áhersla á lesskilning, orðaforða og málskilning í öllum fögum í skólanum.*

**Hvernig miðar okkur áfram 2020:**

Allir lesa á hverjum degi í skólanum

Stuðningur, lestrarsprettir, aukinn stuðningur frá lestrarteymi, verkefnisstjóri, sjálfboðaliðar.

Allir lesa heima á hverjum degi

Fylgt afar vel eftir!

Lestrarstefnu fylgt upp allan skóla (1. – 10 bekk)

Lestrarstefna endurskoðuð og hún kynnt fyrir öllu starfsfólki og foreldrum

Mjög öflugt lestrarteymi

Mikilvægur stuðningur

Vellíðan nemenda í skóla.

Vinna samkvæmt áætlun Hugarfrelsi, halda bekkjarfundi og halda áætlun í Uppeldi til ábyrgðar. Vinna með þarfir og líðan markvisst.

**Hvernig miðar okkur áfram 2020:**

Líðan nemenda er betri

Minna um einelti

Allir halda bekkjarfundi vikulega

Unnið með þarfir og samkvæmt áætlun Uppeldi til ábyrgðar

Fylgt vel eftir af stjórnendum

Stefna og skipulag í UÁ endurskoðuð og kynnt fyrir öllu starfsfólki og foreldrum

Þurfum að efla teymi UÁ

Mikilvægt að styðja betur við bekkjarvinnu

---

Sandgerðisskóli 2020

---

Hólmfríður Árnadóttir, skólastjóri

# Innra mat

Hvað er það og fyrir hvern?

Innra mat samanstendur af greiningu á gögnum um og úr skólstarfi sem saman er safnað yfir veturinn ásamt faglegri ígrundun stjórnenda og starfsfólks. Þannig verður starfsfólk meðvitaðra um hversu vel tekst að ná markmiðum, fylgja Aðalnámskrá og hvaða árangur sé af starfi skólans allt með þarfir nemenda í huga. Byggt er á leiðbeiningum um innra mat grunnskóla eftir Sigríði Sigurðardóttur (2016) og unnið út frá spurningunum:

- Hversu vel stöndum við okkur?
- Hvernig vitum við það?
- Hverjir eru styrkleikar okkar og hvaða þætti þurfum við að bæta?
- Hvað þurfum við að gera til að verða enn betri?

Innra mat er sífellt endurtekið ferli sem sett er upp í 5 skref:



**Kerfisbundið – markmiðabundið- samstarfsmiðað – byggt á traustum gögnum – greinandi og umbótamiðað – samofið öllu skólstarfi – opinbert**